

〔扶桑略記村二十五〕天慶九年五月廿日、關白太政大臣藤原朝臣忠平、詔准三宮、本隨身外、更授內舍人二人、左右近衛四人、以為隨身、又賜任人爵人、時年六十九也。

〔本朝文粹論四〕同公忠平辭攝政、准三宮等表

後江相公朝綱

臣某言、短辭既窮、寸誠未遂、起伏慙怖、必待哀矜、臣某謝中、臣聞用才、陳力奉、上之規、自存、易務求功、御下之訓、既謬、何則、治兼金而成器、鎔範之工、足觀、構散木而為材、剖闕之美、何在、取喻於臣、何遠之有、臣病臨老、倍耄、逐日加事、與心違、同於反鑑之取容、旨遇物、戾類於倒裘之求領、爰攝錄之勤、兼四海而未免、官爵之賞、准三宮而難當、昔五湖泛浪、遙遁珥蟬之榮、萬鍾拋恩、更返屠羊之肆、是則讓功不居、辭賞無受、彼猶若此、矧於愚臣、縱招臣身、逆旨之咎、寧遺吾君、妄施之名乎、況邊鎮不閑、重門有驚、隴頭秋水、白波之音、間聞、邊城曉雲、綠林之陳、不定、仰恐先朝寄託之重、俯乖聖世康和之風、豈非委任失材、致此災變乎、朝慙夕惕、寢興無聊、抑魁首將門、獸心人面、結黨聚徒、公行剽劫、狂謀不悛、猶同朱髮之賊、野心彌熾、不異白額之禽、陛下皇威遠振、玄德潛通、鈇鉞之誅、未及、神明之戮、先加、幽顯合契、身殞於一箭之前、遐邇同歡、首傳於千里之外、開闢以來、帝王之跡、夷凶息暴、未有如當今、速者也、微臣筋骨疲衰、犬馬之力難展、陛下聖德鼎盛、日月之光彌新、以此施化、無思不服、伏願曲廻、如綸、憐此匪石、早停不堪之攝行、亦收無功之重賞、天地覆載之仁、窮聖襟而化下、春秋生殺之令、決叡慮而撫民、樵夫野老、謗議自停、餘燼遺孽、逆心長滅、不勝悚懼屏營之情、謹重拜表、陳讓以聞、臣某誠惶誠恐頓首頓首死罪死罪謹言、

天慶三年五月廿七日

太政大臣從一位臣藤原朝臣某上表

〔日本紀略九〕寬和二年八月廿七日癸亥、今日勅、攝政藤原朝臣兼准三宮、并以內舍人近衛等為隨身兵仗、如忠仁公故事、

〔扶桑略記二十九〕治曆三年十月七日壬子、前大相國藤原賴通賜准三宮勅書、年官年爵、食邑三千戶、內舍人二人、左右近衛各六人、為隨身、資人卅人、如忠仁公舊事、